

ORDE do 1 de abril de 2016 pola que se fixan os prezos privados correspondentes á prestación de servizos nas instalacións xuvenís e á expedición de carnés dirixidos á mocidade, xestionados pola Dirección Xeral de Xuventude, Participación e Voluntariado- (DOG núm. 67, do 8 de abril de 2016)¹

En cumprimento do disposto na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, procede establecer os prezos dos servizos prestados nos campamentos, albergues, residencias e demais instalacións xuvenís dependentes da Consellería de Política Social, ata agora fixados pola Orde do 18 de decembro de 2014 (DOG núm. 249, do 30 de decembro), así como establecer os prezos dos diferentes carnés dirixidos á mocidade que se expiden a través dos servizos de xuventude, casas da xuventude, oficinas TIVE e outras entidades colaboradoras.

A Lei 6/2003 dispón no seu artigo 51 que a súa contía se acordará mediante orde da consellería correspondente, logo do informe favorable da Consellería de Facenda.

En consecuencia, en uso das facultades que me confire o artigo 34.6 da Lei 1/1983, do 22 de febreiro, de normas reguladoras da Xunta e da súa Presidencia,

RESOLVO:

Artigo 1. Obxecto

1. Fixar os prezos exibibles pola prestación de servizos e actividades en campamentos, albergues, residencias e demais instalacións de xuventude, xestionados pola Dirección Xeral de Xuventude, Participación e Voluntariado, da Consellería de Política Social, que se recollen no anexo I desta orde.

2. Fixar os prezos relativos á expedición do Carné Xove, carnés de alberguista nas súas diferentes modalidades e carnés TIVE, que se recollen no anexo II.

Estes prezos non serán aplicables ás persoas que acrediten unha discapacidade igual ou superior ao 33 %, que terán dereito á expedición gratuíta destes carnés.

¹ Modificada pola Orde do 28 de decembro de 2017, (DOG núm. 3 de 4 de xaneiro de 2018, Orde do 5 de febreiro de 2019 (DOG núm. 39, do 25 de febreiro de 2019 e a Orde do 13 de marzo de 2024 (DOG núm. 59, do 22 de marzo de 2024)

Tamén gozarán desta exención as mulleres vítimas de violencia de xénero, así como os seus fillos e fillas e as persoas que estean baixo a tutela e garda ou custodia destas mulleres. A situación de violencia de xénero acreditarase por calquera dos medios establecidos no artigo 5 da Lei 11/2007, do 27 de xullo, galega para a prevención e o tratamento integral da violencia de xénero, sempre que a orde de protección e/ou as medidas cautelares estean en vigor, ou a acreditación da situación de violencia recolla que a dita situación tivo lugar nos 12 meses inmediatamente anteriores á data de presentación da solicitude do correspondente carné. Non será de aplicación esta exención para as situacións de violencia anteriores a este intervalo de tempo.

3. Estes prezos enténdense, se é o caso, co IVE incluído. A xestión destes prezos privados farase de acordo co disposto no artigo 52 da Lei 6/2003, do 9 de decembro.

Artigo 2. Condicións

1. Os prezos recollidos no anexo I desta orde serán expostos nos taboleiros de anuncios de cada centro.

2. Os grupos que usen unha instalación xuvenil terán preferencia para o uso de todas as súas dependencias. Non aboarán suplemento polo uso das pistas polideportivas descubertas, pero terán a obriga de aboar as tarifas establecidas no anexo I desta orde pola utilización dos polideportivos cubertos ou calquera material que alí figure.

3. Calquera material incluído nesta orde que sexa usado polos grupos devolverase no mesmo estado en que lles foi cedido e reporase ao mesmo lugar en que se atopaba. Así mesmo, serán responsables tanto das deterioracións que se causen no material coma da responsabilidade civil en que poidan incorrer por posibles danos a terceiros.

Para o emprego do material que, pola súa especificidade así o exixa, os grupos deberán contar con persoal especializado e coas titulacións necesarias para a súa utilización.

Os grupos deberán presentar, no momento en que vaian facer uso de material que pola súa especialidade así o requira, tanto o seguro que cubra a realización da actividade como a acreditación das titulacións referidas no parágrafo anterior.

Artigo 23. . Desconto por familia numerosa, por familia monoparental e por familia acolledora

1. Os/as membros de familia que teñan o título de familia numerosa poderán ter un desconto de ata un 50 % sobre os prezos relativos ás actividades promovidas pola Dirección Xeral de Xuventude, Participación e Voluntariado nos seus programas.

2. Os/as membros de familias monoparentais poderán ter, así mesmo, un desconto de ata un 50 % sobre os prezos relativos ás actividades promovidas pola Dirección Xeral de Xuventude, Participación e Voluntariado nos seus programas.

Para os efectos da aplicación do desconto, deberá acreditarse estar en posesión do certificado de recoñecemento da condición de familia monoparental, expedido polo órgano competente.

3. Os/as membros de familias acolledoras poderán ter, así mesmo, un desconto de ata un 50 % sobre os prezos relativos ás actividades promovidas pola Dirección Xeral de Xuventude, Participación e Voluntariado nos seus programas.

Artigo 4. Desconto por Carné Xove

As persoas usuarias do Carné Xove poderán obter descontos de ata un 25 % nas actividades promovidas pola Dirección Xeral de Xuventude, Participación e Voluntariado. A porcentaxe de desconto aplicable en cada caso especificarase no folleto informativo de cada un dos programas e actividades que se leven a cabo.

Artigo 5. Desconto a asociacións xuvenís e a entidades prestadoras de servizos á mocidade

As asociacións xuvenís e as entidades prestadoras de servizos á mocidade domiciliadas na Comunidade Autónoma galega e inscritas no correspondente censo ou rexistro dependente da Dirección Xeral de Xuventude, Participación e Voluntariado poderán obter un desconto de ata un 50% sobre os prezos desta orde que sexan aplicables a grupos.

² Modificado pola Orde de 13 de marzo de 2024 (DOG núm. 59 do 22 de marzo de 2024)

Disposición transitoria única. Réxime transitorio

Aos servizos, actividades ou entrega de bens a que se refire o artigo 1 que se reservasen con anterioridade á entrada en vigor desta orde seranlles de aplicación os prezos establecidos na Orde do 18 de decembro de 2014 pola que se fixan os prezos privados correspondentes á prestación de servizos nas instalacións xuvenís e á expedición de carnés dirixidos á mocidade, xestionados pola Dirección Xeral de Xuventude e Voluntariado, durante o ano 2015.

Disposición derogatoria única. Derogación normativa

Queda derogada a Orde do 18 de decembro de 2014 pola que se fixan os prezos privados correspondentes á prestación de servizos nas instalacións xuvenís e á expedición de carnés dirixidos á mocidade, xestionados pola Dirección Xeral de Xuventude e Voluntariado, durante o ano 2015.

Disposición derradeira primeira. Habilitación competencial

Facúltase a persoa titular da Dirección Xeral de Xuventude, Participación e Voluntariado para ditar, no ámbito das súas competencias, as resolucións precisas para o desenvolvemento desta orde.

Disposición derradeira segunda. Entrada en vigor

Esta orde entrará en vigor o día seguinte ao da súa publicación no Diario Oficial de Galicia.

Santiago de Compostela, 1 de abril de 2016

José Manuel Rey Varela
Conselleiro de Política Social

ANEXO I

Prezos relativos á utilización e aos servizos prestados nos campamentos, albergues e residencias xuvenís titularidade da Consellería de Política Social

A. Pola utilización dos campamentos e albergues xuvenís durante a Campaña de verán establécense os seguintes prezos por praza:

A.1. En réxime de oferta concertada (dirixida a grupos).

A.1.1. Campamentos:

	Tarifa en euros
Por quenda de quince días	140
Por quenda de doce días	113
Por día	14

A.1.2. Albergues e residencias:

Por quincena	189
Por día	20

Estes prezos abranguen os seguintes servizos: o aloxamento, a alimentación en réxime de pensión completa, o uso das instalacións e material de conformidade co establecido no artigo 2.2 e 2.3, o consumo de auga, electricidade e combustible, agás o material de actividades que a entidade ou grupo vaia desenvolver na instalación.

Aqueles grupos que figuren inscritos no rexistro da Secretaría Xeral Técnica da Consellería de Política Social como entidades prestadoras de servizos sociais poderán obter un desconto de ata un 50 % sobre os prezos deste punto.

A.2. En actividades promovidas pola Dirección Xeral de Xuventude, Participación e Voluntariado.

A.2.1³. Campamentos:

	Tarifa en euros (por día)
Actividades náuticas	17,25
Actividades educativas, culturais, de voluntariado, ao aire libre, medioambientais e lúdico-deportivas	14,67
Actividades turístico-deportivas	17,25

³ Modificado pola Orde de 5 de febreiro de 2019 (DOG num 39* de 25 de febreiro de 2019)

A.2.2⁴. C. Albergues:

	Tarifa en euros (por día)
Actividades náuticas	19,33
Actividades educativas, culturais, de voluntariado, ao aire libre, medioambientais e lúdico-deportivas	18,50
Actividades turístico-deportivas	18,50

A.2.3. Campos de traballo:

	Tarifa en euros
Ámbito autonómico e nacional (por quenda)	110
Ámbito internacional (por quenda)	110

B. Polas actividades promovidas pola Dirección Xeral de Xuventude, Participación e Voluntariado, en calquera época do ano, dirixidas a mozos/as no eido da educación non formal e do ocio educativo alternativo.

	Tarifa en euros
Por participante e día	25

C.⁵ Por servizos nos albergues e residencias, establécense os seguintes prezos por persoa:

Servizos	Ata 30 anos	Maiores de 30 anos
Pensión completa	25	29
Aloxamento	9	13
Almorzo	3	3
Xantar ou cea	8	8

Para facer uso destes servizos nos albergues e residencias integrados na Rede Española de Albergues Xuvenís (REAX) deberase posuír o carné de alberguista en calquera das súas modalidades.

D. Servizo nas residencias xuvenís para estudantes (por praza e mes).

⁴ Modificado pola Orde de 5 de febreiro de 2019 (DOG núm. 39* de 25 de febreiro de 2019)

⁵ Modificado pola Orde do 13 de marzo de 2024 (DOG núm. 59 do 22 de marzo de 2024)

Residentes internos/as:

	Tarifa en euros
D.1. Cuarto dobre	324
D.2. Cuarto cuádruplo	250

E. Pola utilización das instalacións recreativo-deportivas.

	Tarifa en euros
E.1. Uso de pavillón polideportivo cuberto/hora	25
E.2. Uso de pistas polideportivas descubertas/hora	10
E.3. Uso de piscina non climatizada/hora	3
E.4. Uso de material náutico. A gasolina será por conta do/a solicitante:	
Un barco de vela media xornada	7
Un barco de vela unha xornada	14
Unha embarcación pneumática de motor media xornada	14
Unha embarcación pneumática de motor unha xornada	26
Unha canoa media xornada	5
Unha canoa unha xornada	9

F. Polo uso de locais ou salas.

Sen equipamento:

	Tarifa en euros
Media xornada	15
Unha xornada	25

Con equipamento electrónico:

	Tarifa en euros
Media xornada	30
Unha xornada	50

Con equipamento informático:

	Tarifa en euros
Media xornada	40
Unha xornada	70

Media xornada é unha mañá ou unha tarde, cun máximo de catro horas.

O réxime de pensión completa para grupos xa inclúe o uso das dependencias necesarias para o desenvolvemento do programa.

G. Pola utilización dos campamentos e albergues para actividades recreativas ao aire libre:

G.1. Acampadas: 4 euros/día e persoa.

G.2. Actividades recreativo-culturais en albergues (convivencia):

- 31 euros/día/grupo de ata 50 usuarios/as.
- 46 euros/día/grupo de 51 a 100 usuarios/as.
- 77 euros/día/grupo de 101 a 200 usuarios/as.
- 144 euros/día/grupo de 201 a 300 usuarios/as.

ANEXO II⁶

Prezos pola expedición dos diferentes carnés dirixidos á mocidade

Tarifa en euros

Carné alberguista xove	5
Carné alberguista adulto/a	10
Carné alberguista grupo	16
Carné alberguista familiar	18

⁶ Modificado pola Orde do 3 de marzo de 2024 (DOG núm. 59, do 24 de marzo de 2024)